

SAMOA

Faatulagaina o Aiaiga

1. Igoa puupuu ma le amataga
2. Faaofiina o le fuaiupu 11A
3. Teuteuga o le fuaiupu 13(1)

2000, Nu. 7**O SE TULAFONO e teuteu ai le Tulafono o Femalagaiga
1966. *[6 Iulai 2000]***

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Femalagaiga 2000 ma e tatau ona faitauina faatasi ma avea ai o se vaega o le Tulafono o Femalagaiga 1966 (o le “Tulafono autu”).

(2) O lenei Tulafono o le a amata faamamaluina i le aso o le a tuuina i ai le maliega a le Ao o le Malo.

2. Faaofiina o le fuaiupu 11A – Fuaiupu 11A ua faaofiina i totonu o le Tulafono autu e faapea -

“11A. Faaulufaleina mai o Tagata o lo o Umia Pemitā Faigaluega-(1) E ese mai ai i le fuaiupu 11, o le a tuuina atu so o se pemitā i so o se tagata e agavaa ai o ia e ulufale mai ma nofo pe tumau ai i totonu o Samoa pe a fai -

- (a) O le tagata o le a faafaigaluega i se tulaga e pei ona faatagaina atu i ai se pemitā faigaluega i lalo o le Vaega VIA o le Tulafono o Leipa ma Galuega; ma
- (b) So o se tuutuuga ua faamaotiina i lalo o Tulafono Faatonutonu e tusa ai ma le vaegatupe e teuina i totonu o se faletupe ina ia faia po o se isi mea e malu puipuia ai ina ia tuuina mai ma ua maea ona usitaia; ma
- (c) Isi tuutuuga uma e pei ona faamaotiina ua maea ona faafetaiaia e tusa ai ma le ulufale mai o le tagata i totonu o Samoa.

(2) O pemitā uma taitasi ua tuuina atu i lalo o lenei fuaiupu o le a tumau pea ona faamamaluina mo le vaitaimi e faapea na tuuina atu ai le pemitā faigaluega i lalo o le Vaega VIA o le Tulafono o Leipa ma Galuega.

AE VAGANA AI E FAAPEA e faaopoopo atu i so o se isi gaoioiga ua faatagaina ina ia tauaveina i lalo o lenei Tulafono e faamuta ai le pemitā po o le aveesea o tagata o loo umia lea pemitā mai Samoa, o le a faalealoaia le pemitā pe a fai o le tagata o lo o umia le pemitā ua faamutaina lona faafaigaluegaina i totonu o le tulaga lea na tuuina atu ai le pemitā i lalo o le Tulafono o Leipa ma Galuega.

(3) So o se vaegatupe ua tuuina i totonu o se faletupe po o se tulaga tau le puipuiga malu ua tuuina mai i lalo o le faafuaiupu (1) e tataua ona faia e tusa ai ma le fuaiupu 12.

(4) O se totogifuapauina e \$200.00, po o se isi totogifuapauina e pei ona o le a faamaotiina, e tataua ona totogiina atu mo le faatagaina po o le faalauteleina o se pemitā e ulufale mai ai i lalo o lenei fuaiupu.”

3. Teuteuga o le fuaiupu 13(1) – Fuaiupu 13(1) o le Tulafono autu ua teuteuina i le faaopoopoina i ai o le parakalafa (e) e faapea -

“(e) E faapea o le pemitā ua tuuina atu i le tagata e le o se tagatanuu i lalo o le fuaiupu 11A (1) ua faale-aloaia e tusa ai ma le fuaiupu 11A (2) po o e faapea o le tagata e le o se tagatanuu ua ia solia so o se tuutuuga e pei ona sa faaeeina i ai e le fuaiupu 11 po o le fuaiupu 11A o lenei Tulafono.”

**Lolomiina i lalo o le pule a le Fono Aoaō Faitulafono,
e le Failautusi o le Fono Aoaō Faitulafono.**